



ADMINISTRACIÓN LOCAL

MUNICIPAL

TEO

Bases convocatoria subvencións a clubs deportivos sen ánimo de lucro e deportistas federados/as

EDICTO

A Xunta de Goberno Local, na sesión ordinaria de data 18 de maio de 2026, por unanimidade dos seus membros presentes e por delegación da alcaldía (Decreto de 27 de xuño de 2023 (Res. 783/23), acorda:

Primeiro.- Aprobar as Bases da Convocatoria de Subvencións a entidades para clubs sen ánimo de lucro e deportistas federados para **2026**, que se reflicten de seguido.

Segundo.- Proceder á súa exposición pública mediante edicto no Boletín Oficial da Provincia e no Taboleiro de Edictos do Concello.

BASES REGULADORAS PARA A CONVOCATORIA DE SUBVENCIONS A CLUBS DEPORTIVOS SEN ANIMO DE LUCRO E DEPORTISTAS FEDERADOS/AS POLAS ACTIVIDADES REALIZADAS E PARA A PREPARACION DAS DIFERENTES COMPETICIONS PARA O ANO 2026

1ª.— OBXECTO DA CONVOCATORIA

As presentes bases teñen por finalidade regular a concesión de subvencións destinadas á organización, promoción, preparación e/ou participación deportiva de clubs e deportistas federados/as no ano 2026, con cargo á partida 340/480.00 do orzamento 2026 por un importe total de **50.000 euros**, dos que **13.000 euros** se destinarán ás solicitudes formuladas por deportistas federados/as.

Son obxectivos perseguidos polas axudas reguladas nestas bases a potenciación do deporte, a promoción da práctica deportiva, a creación de canteiras de deportistas no Concello de Teo, tanto a curto como a longo prazo, impulsando ademais deste xeito formas de ocio alternativo.

2ª.—BENEFICIARIOS/AS

a) Os clubs e entidades deportivas sen ánimo de lucro con domicilio social no Concello de Teo, inscritos en todos os casos, no Rexistro de Entidades Deportivas do Concello de Teo e no Rexistro de Entidades Deportivas de Galicia, que participen en competicións de carácter oficial e/ou organicen e/ou promovan actividades deportivas.

b) Os/as deportistas que cumpran os seguintes requisitos.

- Ter licenza federativa en vigor no momento da solicitude nalgunha das federacións deportivas recoñecidas pola Administración Deportiva Autónoma de Galicia e/ou polo Consello Superior de Deportes.

- Estar empadroados/as no Concello de Teo con anterioridade á aprobación destas bases polo menos durante 3 anos.

- Participar en competicións de carácter oficial e que sexan mínimo de ámbito autonómico ou superior.

- Non poderán obter a condición de persoa beneficiaria os/as deportistas que:

- Participen en competicións de carácter oficial por equipos en formato de ligas regulares.
- Participen en competicións de carácter oficial de ámbito autonómico que non outorguen prazas para as competicións de ámbito estatal da mesma modalidade/especialidade.

c) Non poderán ter a condición de beneficiarias aquelas persoas ou entidades nas que concorran as circunstancias numeradas no artigo 13.2 da Lei 38/2003.

3ª.—ACTIVIDADES E GASTOS SUBVENCIONABLES

As subvencións que se outorguen ao abeiro das presentes bases, terán como finalidade:

a) Colaboración en gastos correntes derivados da realización de actividades de participación e/ou promoción deportiva por parte dos suxeitos mencionados no artigo 2º das presentes Bases e, dos gastos de conservación, mantemento ou reparacións menores, necesarios para o desenvolvemento destas no ano 2026.

b) Gastos ocasionados pola organización de eventos deportivos durante o ano 2026 dentro do territorio municipal.

c) Aqueles clubs que reciban unha subvención nominativa non poderán concorrer a esta convocatoria **co mesmo obxecto de solicitude**.

d) Non serán gastos subvencionables:

- Os xuros debedores de contas bancarias.
- Os xuros, recargos e sancións administrativas.
- Os gastos de procedementos xudiciais.

4ª.—SOLICITUDES

4.1.- Presentación de solicitudes

As solicitudes presentaranse nas instancias formalizadas recollidas nos Anexos I e II e dirixiranse ao concelleiro de Deportes.

Recordáselles que conforme ao disposto no artigo 14 de la Lei 39/2015 de outubro, de procedemento das administracións públicas, as persoas xurídicas (clubs e entidades) están obrigadas a relacionarse a través de medios electrónicos coas administracións públicas para a realización de calquera trámite dun procedemento administrativo. En consecuencia, deberán presentar de forma electrónica a súa documentación na sede electrónica de este Concello a través do seguinte enlace:

https://sede.teo.gal/sxc/gl/procedimientosytramites/tramites/Solicitudsubvenciones_N

Resulta imprescindible que para identificarse na sede electrónica se utilice o certificado dixital da empresa.

As persoas físicas (deportistas) poden presentar pola mesma vía ou no rexistro xeral do Concello (presencial).

Soamente pode presentarse unha única solicitude por club para unha ou varias modalidades.

No caso dos/as deportistas soamente pode presentarse unha única solicitude para unha única modalidade ou especialidade.

As solicitudes deberán de presentarse no prazo de 15 días hábiles dende a publicación do anuncio das presentes bases no BOP.

4.2.- Documentación (están os impresos oficiais na páxina www.teo.gal (Convocatorias) ou no Departamento de Deportes do Concello).

Xunto coa instancia de solicitude de subvención recollidas nos Anexo I e II presentarase a seguinte documentación:

1) CLUBS DEPORTIVOS: *(datos referentes á tempada 2025/2026 ou o ano 2026 segundo corresponda á modalidade deportiva)*

- a) Copia do CIF (no caso de non tela entregada xa noutras convocatorias anteriores).
- b) Certificación bancaria do número de conta onde se efectuarán os pagamentos. (Se houbo variacións con respecto ao ano anterior)
- c) Certificado da Federación correspondente onde figuren o número de licenzas, o número de equipos e as categorías onde participa o club solicitante.
- d) Anexo III, onde deben figuran os seguintes datos:
 - Deportistas femininas: listaxe con nome e apelidos das deportistas **empadroadas no Concello de Teo** (o que se comprobará de oficio polo Departamento de Deportes) (se é o caso).
 - Deportistas masculinos: listaxe con nome e apelidos dos deportistas **empadroados no Concello de Teo** (o que se comprobará de oficio polo Departamento de Deportes) (se é o caso).
 - Técnicos/as: listaxe con nome e apelidos do persoal técnico do club, a súa titulación e a categoría na que adestran (con copia do título de maior nivel de cada técnico/a ou unha certificación federativa onde figure o nivel) (Pódese omitir esta documentación se non houbo variacións na entregada na convocatoria anterior).
 - Memoria descritiva do ano **2025**, especificando as actividades/eventos deportivos nos que **participou** o club e as actividades/eventos deportivos que **organizou** (se é o caso).
 - Memoria descritiva da actividade que se vai a desenvolver no ano **2026** para a cal se pide a subvención, especificando as actividades/eventos deportivos nos que vai a **participar** o club e as actividades/eventos deportivos que vai a **organizar** (se é o caso).
 - Orzamento detallado de gastos e ingresos previsto para o ano 2026.

- Certificación ou declaración responsable de estar ao día no pagamento das obrigas tributarias e coa seguridade social impostas pola lexislación vixente. (A nivel estatal e autonómico).

De conformidade co disposto no artigo 24 do RD 887/2006, de 21 de xullo, os certificados de atoparse ao corrente con Facenda e a Seguridade Social poderán substituírse por unha declaración responsable cando o importe da subvención non supere os 3.000 €. O solicitante neste punto deberá comprometerse a manter o seu cumprimento durante o período de tempo inherente a dito recoñecemento ou exercicio.

Por outra parte, o solicitante poderá conceder autorización ao concello para que o órgano concedente obteña de forma directa a acreditación de atoparse ao corrente con Facenda e coa Seguridade Social a través de certificados telemáticos, en cuxo caso o solicitante non deberá aportar a correspondente certificación.

- Declaración responsable conforme o solicitante non está incurso en ningunha das causas de prohibición de percepción de subvencións ou axudas públicas mencionadas no artigo 13 da Lei 38/2003.

- Datos deportivos.

- Compromisos e declaracións responsables.

2) DEPORTISTAS FEDERADOS/AS:

a) Copia cotexada da licenza federativa en vigor.

b) Copia cotexada do DNI en vigor.

c) Currículo deportivo.

d) Certificación federativa onde figuren as competicións oficiais nas que participou e o resultado obtido no ano 2025.

e) Certificación federativa onde figuren as competicións oficiais nas que participou no ano 2024.

f) Certificación bancaria do número de conta onde se efectuarán os pagamentos (Se houbo modificación do ano anterior).

g) Anexo IV onde figuran os seguintes datos:

- Memoria descritiva da actividade que se vai a desenvolver no ano 2026 para a cal se pide a subvención.

- Memoria descritiva da actividade que se realizou no ano 2025. Competición, ámbito e posto conseguido.

- Memoria descritiva da actividade que se realizou no ano 2024. Competición e ámbito.

- Orzamento detallado de gastos e ingresos previsto para o ano 2026.

- Datos deportivos.

- Compromisos e declaracións responsables:

- Certificación ou declaración responsable de estar ao día no pagamento das obrigas tributarias e coa seguridade social impostas pola lexislación vixente. (A nivel galego e estatal)

De conformidade co disposto no artigo 24 do RD 887/2006, de 21 de xullo, os certificados de atoparse ao corrente con Facenda e a Seguridade Social poderán substituírse por unha declaración responsable cando o importe da subvención non supere os 3.000 €. O solicitante neste punto deberá comprometerse a manter o seu cumprimento durante o período de tempo inherente a dito recoñecemento ou exercicio.

Por outra parte, o solicitante poderá conceder autorización ao concello para que o órgano concedente obteña de forma directa a acreditación de atoparse ao corrente con Facenda e coa Seguridade Social a través de certificados telemáticos, en cuxo caso o solicitante non deberá aportar a correspondente certificación.

- Declaración responsable conforme a que o/a solicitante non está incurso en ningunha das causas de prohibición de percepción de subvencións ou axudas públicas mencionadas no artigo 13 da Lei 38/2003.

No punto f) e nas certificacións e declaracións, no caso dos menores de idade serán os datos dos titores legais.

4.3.- Corrección de solicitude

Unha vez revisadas todas as solicitudes, a aquelas que conteñan erros ou deficiencias comunicaráselles e concederáselles un prazo de 10 días hábiles a partir da súa comunicación para a súa corrección. De non emendar os defectos no dito prazo arquivarase sen máis trámites.

5ª.—CRITERIOS PARA A CONCESIÓN DE SUBVENCIONES

As subvencións reguladas nas presentes Bases concederanse en réxime de concorrencia competitiva, polo que as solicitudes que cumpran os requisitos serán avaliadas consonte os criterios que de seguido se sinalan:

1). CRITERIOS PARA CLUBS:

**(Nos apartados a), b), c), d), e), e f) datos referentes á tempada 2025/2026 ou o ano 2026 segundo corresponda á modalidade deportiva)*

a) Número de fichas ou licenzas. Ata 10 puntos máximo.

Máis de 250 fichas	10 puntos
Ata 250	9 puntos
Ata 200	8 puntos
Ata 150	7 puntos
Ata 100	6 puntos
Ata 75	5 puntos
Ata 50	4 puntos
Ata 25	3 puntos
Ata 15	2 puntos

b) Número de equipos federados. Ata 10 puntos máximo.

10 ou máis equipos	10 puntos
9 equipos	9 puntos
8 equipos	8 puntos
7 equipos	7 puntos
6 equipos	6 puntos
5 equipos	5 puntos
4 equipos	4 puntos
3 equipos	3 puntos
2 equipos	2 puntos
1 equipo	1 punto

c) Porcentaxe de fichas ou licenzas correspondentes a participantes locais. Ata 10 puntos máximo.

Ata o 100%	10 puntos
Ata o 85%	8 puntos
Ata o 75%	6 puntos
Ata o 50%	4 puntos
Ata o 25%	2 puntos

d) Porcentaxe de fichas ou licenzas femininas. Ata 5 puntos máximo.

Ata o 100%	5 puntos
Ata o 75%	4 puntos
Ata o 50%	3 puntos
Ata o 25%	1 punto

e) Categorias de base: biberóns-prebenxamín-benxamín-alevín-infantil-cadete-xuvenil (ou equivalentes). Ata 7 puntos máximo.

7 categorías ou máis	7 puntos
6 categorías	6 puntos
5 categorías	5 puntos
4 categorías	4 puntos
3 categorías	3 puntos
2 categorías	2 puntos
1 categoría	1 punto

f) Nivel de formación dos/as técnicos. Ata 15 puntos máximo.

3 ou máis técnicos/as: adestrador/a profesional nivel 3 na especialidade	8 puntos
3 ou máis técnicos/as: adestrador/a avanzado/a/nivel 2 na especialidade	7 puntos
3 ou máis técnicos/as: licenciado/a en Ciencias do Deporte e E.F.	7 puntos
3 ou máis técnicos/as: adestrador/a básico/a/nivel 1 na especialidade	6 puntos
3 ou mais técnicos/as: cursos formativos na especialidade	5 puntos
1 ou 2 técnicos/as: adestrador/a profesional/nivel 3 na especialidade	4 puntos
1 ou 2 técnicos/as: adestrador/a avanzado/a/nivel 2 na especialidade	3 puntos
1 ou 2 técnicos/as: de licenciado/a en Ciencias do Deporte e E.F.	3 puntos
1 ou 2 técnicos: adestrador/a básico/a/nivel 1 na especialidade	2 puntos
1 ou 2 técnicos/as: cursos formativos na especialidade	1 punto

*(Nos apartados g), h), i), k) e l), datos referentes ao ano 2025)

g) Presenza social (2025). Participación en competicións deportivas oficiais. Ata 5 puntos máximo.

Actividade de ámbito internacional (mínimo tres países)	5 puntos
Actividade de ámbito estatal	4 puntos
Actividade de ámbito autonómico	3 puntos
Actividade de ámbito provincial/local	1 punto

Considérase Competición Internacional: Campionato do Mundo, Campionato de Europa, probas do *ranking* mundial, probas do *ranking* europeo.

Considérase Competición Estatal: Campionato de España, probas do *ranking* nacional.

Considérase Competición Autonómica: Campionato Galego, probas do *ranking* galego.

Non puntuarán torneos, adestramentos cos combinados estatais e autonómicos, opens, torneos privados e similares.

h) Presenza social (2025). Organización de competicións/eventos deportivos dentro do territorio municipal. Ata 15 puntos máximo.

Actividade de ámbito internacional (mínimo tres países)	5 puntos
Actividade de ámbito estatal	4 puntos
Actividade de ámbito autonómico	3 puntos
Actividade de ámbito provincial/local	1 punto

* Puntuaranse 3 actividades máximo.

i) Utilización de instalacións para o deporte de base (2025). Ata 10 puntos máximo.

Utilización exclusiva de instalacións non municipais	10 puntos
Utilización habitual de instalacións non municipais e puntual de inst. municipais	8 puntos
Utilización de instalacións municipais e non municipais	5 puntos
Utilización habitual de instalacións municipais e puntual de inst. non municipais	1 punto
Utilización exclusiva de instalacións municipais	0 puntos

k) Gastos derivados do coidado e mantemento de instalacións propias (2025). Ata 5 puntos máximo.

Auga, luz e conservación da instalación	5 puntos
Luz ou auga e conservación da instalación	4 puntos
Conservación da instalación (marcaxe, coidado da herba...)	3 puntos
Luz ou auga	2 puntos

l) Colaboración co departamento de deportes en actividades municipais (2025). 10 puntos como máximo.

No punto i) enténdese por instalacións municipais aquelas de xestión directa polo Concello.

No punto l) enténdese por colaboración en actividades puntuais que organiza o departamento de deportes.

2). CRITERIOS PARA DEPORTISTAS FEDERADOS:

a) Competicións oficiais no ano 2025. Ata 24 puntos máximo. Puntuarán tres competicións máximo.

	1 NIVEL			2 NIVEL			OUTROS		
	ABS.	Prev. ABS.	BASE	ABS.	Prev. ABS.	BASE	ABS.	Prev. ABS.	BASE
INTERNACIONAL	8	7	6	6	5	4	4	3	2
ESTATAL	6	5	4	4	3	2	2	2	1
AUTONÓMICA	5	4	3	3	2	1	1	1	1

b) Resultados no ano 2025. Ata 30 puntos máximo. Puntuarán tres competicións máximo.

b1) Competición Internacional:

	1 NIVEL			2 NIVEL			OUTROS		
	ABS.	Prev. ABS.	BASE	ABS.	Prev. ABS.	BASE	ABS.	Prev. ABS.	BASE
1º/2º	10	8	6	8	6	4	6	4	2
3º/4º	8	6	4	6	4	2	4	2	1
5º/8º	6	4	2	4	2	1	2	1	0
OUTROS	4	2	1	2	1	0	0	0	0

b2) Competición estatal:

	1 NIVEL			2 NIVEL			OUTROS		
	ABS.	Prev. ABS.	BASE	ABS.	Prev. ABS.	BASE	ABS.	Prev. ABS.	BASE
1º/2º	8	6	4	6	4	2	4	2	1
3º/4º	6	4	2	4	2	1	2	1	1
5º/8º	4	2	1	2	1	0	1	0	0
OUTROS	2	1	0	1	0	0	0	0	0

b3) Competición autonómica:

	1 NIVEL			2 NIVEL			OUTROS		
	ABS.	Prev. ABS.	BASE	ABS.	Prev. ABS.	BASE	ABS.	Prev. ABS.	BASE
1º/2º	6	5	4	4	2	1	1	1	0
3º/4º	4	3	2	2	2	1	1	1	0
5º/8º	2	1	1	1	1	1	0	0	0
OUTROS	1	0	0	0	0	0	0	0	0

c) Competicións oficiais no ano 2024. Ata 24 puntos máximo. Puntuarán tres competicións máximo.

	1 NIVEL			2 NIVEL			OUTROS		
	ABS.	Prev. ABS.	BASE	ABS.	Prev. ABS.	BASE	ABS.	Prev. ABS.	BASE
INTERNACIONAL	8	7	6	6	5	4	4	3	2
ESTATAL	6	5	4	4	3	2	2	2	1
AUTONÓMICA	5	4	3	3	2	1	1	1	1

d) Competir nun club do Concello de Teo: 10 puntos

e) Ser Deportista Galega/o de Alto Nivel recoñecida/o pola Secretaría Xeral para o Deporte, no momento da publicación das bases desta convocatoria: 5 puntos

6ª.—IMPORTES MÁXIMOS DAS SUBVENCIÓNS

A cantidade concedida, en ningún caso, poderá ser de tal contía que, en concorrencia con subvencións ou axudas doutras administracións públicas ou entidades privadas supere o custo da actividade ou o investimento feito polo/a beneficiario/a.

En ningún caso o importe máximo da subvención de cada solicitante superará o 70% do orzamento da entidade/deportista para a tempada obxecto da solicitude.

O importe máximo da subvención a cada deportista individual non poderá superar os 2.000 euros.

7ª.—ÓRGANO COMPETENTE E PROCEDEMENTO DE CONCESIÓN

O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos que debe pronunciarse a resolución, será o Departamento de Deportes.

O órgano instrutor do procedemento será o encargado de requirir dos/as solicitantes a emenda de deficiencias nas solicitudes presentadas. Ademais elaborará un informe de cada unha das solicitudes presentadas no que se fará constar:

- Nome da entidade/deportista, disciplina deportiva e contía máxima á que opta.
- Se está ou non completa a documentación do expediente, con expresión da data da finalización do prazo de presentación, no seu caso.
- Se cumpre os requisitos da convocatoria, con indicación expresa dos que non cumpra, de ser o caso.

A valoración das propostas presentadas, con base nos criterios relacionados no punto anterior, efectuaráa unha Comisión de Valoración constituída polo concelleiro delegado de

Deportes, que a presidirá, a concelleira delegada de Cultura e á técnica municipal que actuará tamén como secretaria da comisión.

Suplencias. En casos de ausencia ou de enfermidade e, en xeral, cando concorra algunha causa xustificada, os membros da comisión de valoración poderán ser substituídos polos seus suplentes.

Para estes efectos, cando non poidan concorrer o/a concelleiro/a de Deportes ou o/a concelleiro/a de Cultura poderán ser substituídos/as, respectivamente, polo/a concelleiro/a de Educación e polo/a concelleiro/a de Servizos Sociais. A técnica deportiva poderá ser substituído/a por outro persoal do departamento de deportes.

Esta Comisión elevará unha proposta de concesión á Xunta de Goberno Local, previo informe da Intervención municipal. A Xunta de Goberno Local será o órgano competente para a adopción do acordo de concesión de subvencións. Este acordo esgotará a vía administrativa.

8ª.—PUBLICIDADE DAS SUBVENCIÓNS

- As bases saíran publicadas no BOP
- A resolución das subvencións notificaranse individualmente e publicaranse no Taboleiro de Anuncios do Concello, indicando a puntuación obtida por cada solicitude, o importe subvencionado e/ou os motivos da denegación.

9ª.—COMPROMISOS

Os clubs e deportistas subvencionados/as ao abeiro destas bases quedarán obrigados a colaborar co Concello naquelas actividades deportivas que organice cando lle sexa requirido e farán constar na súa publicidade o patrocinio do Concello de Teo.

Os clubs e deportistas que reciban subvencións durante o ano 2026 quedan obrigados a comunicar ao departamento de deportes a súa presenza en competicións autonómicas, nacionais e internacionais, así como a consecución de premios ou títulos nas categorías puntuables nestas bases, así como facilitar material gráfico para a difusión dende os medios municipais.

10ª.—XUSTIFICACIÓN DAS ACTIVIDADES E PAGAMENTO DAS SUBVENCIÓNS

Para o abono do importe das subvencións económicas concedidas, será imprescindible acreditar polos/as perceptores/as a aplicación efectiva dos fondos percibidos con destino á finalidade que motivou a concesión mediante a presentación da seguinte documentación:

a) Facturas de gasto e xustificantes bancarios dos pagos relacionados coa actividade subvencionada e por un importe igual ou superior á cantidade concedida. Poderán presentarse facturas de gasto de actividades/competicións realizadas de xaneiro a outubro de 2026 e facturas de novembro e decembro de 2025 (sempre e cando ditas actividades/competicións estivesen reflectidas na memoria descritiva da convocatoria do ano 2025). Só se admitirán facturas orixinais ou fotocopias

cotexadas emitidas con posterioridade a realización dos gastos (adquisición de subministración, prestación de servizos...) e nas que ademais de reunir todos os requisitos legais, deberán figurar en detalle todos os conceptos incluídos na mesma, a constancia expresa de “Cobrada, asinada e indicando o nome e o DNI”, pola persoa representante da empresa, que recibe o pagamento.

En cantidades menores de 1.000 euros admitiranse “Xustificantes de recepción”.

- b) Declaración responsable de que se realizou o fin para o que a subvención foi concedida.
- c) Declaración responsable doutras axudas e/ou subvencións concedidas ou pendentes de conceder durante o ano 2026 con expresión, no seu caso de que o conxunto das axudas percibidas non superaron o gasto realizado.
- d) Memoria das actividades realizadas durante o ano 2026.
- e) Declaración responsable de gastos e ingresos detallados realizados no ano 2026.
- f) Certificación ou declaración responsable de estar ao día no pagamento das obrigas tributarias (a nivel estatal e galego) e coa seguridade social impostas pola lexislación vixente.

De conformidade co disposto no artigo 24 do RD 887/2006, de 21 de xullo, os certificados de atoparse ao corrente con Facenda e a Seguridade Social poderán substituírse por unha declaración responsable cando o importe da subvención non supere os 3.000 €. O solicitante neste punto deberá comprometerse a manter o seu cumprimento durante o período de tempo inherente a dito recoñecemento ou exercicio.

Por outra parte, o solicitante poderá conceder autorización ao concello para que o órgano concedente obteña de forma directa a acreditación de atoparse ao corrente con Facenda e coa Seguridade Social a través de certificados telemáticos, en cuxo caso o solicitante non deberá aportar a correspondente certificación.

g) Cartelaría, notas de prensa.... onde figure o patrocinio do Concello de Teo (se é o caso).

As subvencións xustificaranse antes do 30/10/2026. No caso de non xustificarse no prazo anteriormente mencionado, farase un requirimento onde se conceden 10 días para a súa emenda. De non presentar a documentación procederase á súa revogación.

O pagamento realizarase unha vez que os e as beneficiarias xustifiquen os gastos ocasionados na execución das actividades subvencionadas, sempre dentro do prazo sinalado, e despois da fiscalización da conta xustificativa pola Intervención municipal e posterior aprobación da mesma pola Alcaldía, quen ordenará o pago.

O coeficiente de financiamento será 1, de xeito que, cando se presenten xustificantes por importe inferior ao concedido na achega, esta verase reducida proporcionalmente.

Se na documentación presentada para a xustificación houbera redución de gastos, en referencia aos presentados na instancia da solicitude, a axuda que finalmente o Concello de Teo aboará a o beneficiario/a deberá respectar a porcentaxe máxima do 70% sobre o gasto final xustificado.

11ª.—CONTROL DA APLICACIÓN DO GASTO

O Departamento de Deportes do Concello poderá solicitar en calquera momento as explicacións e documentos que considere necesarios para o oportuno seguimento das actividades subvencionadas.

12ª.—RÉXIME SANCIONADOR

Sen prexuízo do disposto na normativa xeral e nas Bases de Execución do Orzamento Municipal en materia de subvencións, os perceptores destas subvencións veranse na obriga de devolver as cantidades percibidas para o suposto de que incumpran algunha das condicións das bases recollidas na presente normativa.

13ª.—RÉXIME XURÍDICO

Nos aspectos non especificados nestas bases, as presentes axudas regularanse polo disposto na normativa xeral reguladora de subvencións, en especial, a Lei 38/2003, de 17 de novembro, xeral de subvencións e a Lei 9/2007 de 13 de xuño de subvencións de Galicia.

O que se fai público para os efectos da apertura do prazo de presentación de solicitudes de subvencións polas persoas ou entidades que correspondan, tal e como se recolle nas indicadas bases.

Teo, 13 de abril de 2026

O concelleiro de Deportes e Xuventude

Rogelio Gómez Fernández

ANEXO I - MODELO DE SOLICITUDE - CLUBS DEPORTIVOS

DATOS DE IDENTIFICACIÓN	
ENTIDADE SOLICITANTE: MODALIDADE:	CIF:
ENDEREZO:	LOCALIDADE:
Correo-e:	
REPRESENTANTE DA ENTIDADE:	DNI:
CARGO QUE OCUPA:	TELÉFONO/S:

DOCUMENTACIÓN QUE SE XUNTA (marca o que corresponda)	
Copia cotexada do CIF (no caso de non tela entregada noutras convocatorias anteriores)	
Certificación bancaria do número de conta (se houbo modificación do ano anterior)	
Certificación federativa do número de licenzas, número de equipos e as súas categorías	
Anexo III	
Copia dos títulos do persoal técnico (se houbo modificación do ano anterior)	

Sinatura da/o representante da entidade

ANEXO II - MODELO DE SOLICITUDE - DEPORTISTAS

DATOS DE IDENTIFICACIÓN		
NOME E APELIDOS DA/O DEPORTISTA: MODALIDADE: CATEGORÍA:	NIF: Correo-e:	TELÉFONO:
ENDEREZO:		
NOME E APELIDOS DA/O REPRESENTANTE LEGAL (No caso dos menores de idade): DNI: Correo-e:		TELÉFONO:
RELACIÓN:	ENDEREZO PARA NOTIFICACIÓNS:	

DOCUMENTACIÓN QUE SE XUNTA (marca o que corresponda)	
Copia cotexada da licenza federativa en vigor	
Copia cotexada do dni en vigor	
Currículum deportivo	
Certificación federativa das competicións oficiais nas que participou e os resultados obtidos no ano 2025	
Certificación federativa das competicións oficiais nas que participou no ano 2024	
Certificación bancaria do número de conta (se houbo modificación do ano anterior)	
Anexo IV	

Teo, de de 2026

Sinatura: no caso dos/as menores de idade, sinatura do/a titor/a legal

ANEXO III (PARA CLUBS)

D./Dna

con DNI

en representación da Entidade:

DECLARO RESPONSABLEMENTE: que todos os datos que constan na solicitude presentada e neste documento que se achega son certos.

* Se nalgún dos apartados non chegara o espazo pódese achegar á solicitude un documento asinado electronicamente, hai que reflectilo na última páxina deste Anexo III.

1.- DEPORTISTAS FEDERADAS (empadroadas no concello) no noso club para a tempada 2025/2026 (ou no seu caso para o ano 2026):

NOME E APELIDOS (soamente empadroadas)		
1.	2.	3.
4.	5.	6.
7.	8.	9.
10.	11.	12.
13.	14.	15.
16.	17.	18.
19.	20.	21.
22.	23.	24.
25.	26.	27.
28.	29.	30.

2.- DEPORTISTAS FEDERADOS (empadroados no concello) no noso club para a tempada 2025/2026 (ou no seu caso para o ano 2026):

NOME E APELIDOS (soamente empadroados)		
1)	2)	3)
4)	5)	6)
7)	8)	9)
10)	11)	12)
13)	14)	15)
16)	17)	18)
19)	20)	21)
22)	23)	24)
25)	26)	27)
28)	29)	30)
31)	32)	33)
34)	35)	36)

3.- TÉCNICOS/AS no noso club para a tempada 2025/2026 (ou no seu caso para o ano 2026):

NOME E APELIDOS	TITULACIÓN	CATEGORÍA NA QUE ADESTRAN
1.		
2.		
3.		
4.		
5.		
6.		
7.		
8.		
9.		
10.		

4.- MEMORIA DESCRIPTIVA ANO 2025

4.1.- PARTICIPACIÓN EN ACTIVIDADES (2025)				
EVENTO 1: EVENTO/ACTIVIDADE NO QUE SE PARTICIPOU:				
ÁMBITO:	Internacional*	Estatal	Autonómico	Provincial Local
*Países participantes:				
EVENTO 2: EVENTO/ACTIVIDADE NO QUE SE PARTICIPOU:				
ÁMBITO:	Internacional*	Estatal	Autonómico	Provincial Local
*Países participantes:				
EVENTO 3: EVENTO/ACTIVIDADE NO QUE SE PARTICIPOU:				
ÁMBITO:	Internacional*	Estatal	Autonómico	Provincial Local
*Países participantes:				

4.2.- ORGANIZACIÓN DE ACTIVIDADES DENTRO DO CONCELLO DE TEO (2025)				
EVENTO 1: EVENTO/ACTIVIDADE QUE SE ORGANIZOU:				
ÁMBITO:	Internacional*	Estatal	Autonómico	Provincial Local
*Países participantes:				
EVENTO 2: EVENTO/ACTIVIDADE QUE SE ORGANIZOU:				
ÁMBITO:	Internacional*	Estatal	Autonómico	Provincial Local
*Países participantes:				
EVENTO 3: EVENTO/ACTIVIDADE QUE SE ORGANIZOU:				
ÁMBITO:	Internacional*	Estatal	Autonómico	Provincial Local
*Países participantes:				

ANEXO IV (PARA DEPORTISTAS)

Nome e apelidos do/a deportista (ou representante legal no caso de menores de idade):

con DNI

en representación do/a deportista:

DECLARO RESPONSABLEMENTE: que todos os datos que constan na solicitude presentada e neste documento que se achega son certos.

* Se nalgún dos apartados non chegara o espazo pódese achegar á solicitude un documento asinado e hai que reflectilo na última páxina deste Anexo IV.

1.- MEMORIA DESCRIPTIVA ANO 2026 – COMPETICIÓNS PARA AS QUE SE PIDE A SUBVENCIÓN

COMPETICIÓNS OFICIAIS NO ANO 2026			
1ª.- COMPETICIÓN :			
ÁMBITO: Internacional	Estatat	Autonómico	Outros
2ª.- COMPETICIÓN :			
ÁMBITO: Internacional	Estatat	Autonómico	Outros
3ª.- COMPETICIÓN :			
ÁMBITO: Internacional	Estatat	Autonómico	Outros

2.- MEMORIA DESCRIPTIVA ANO 2025

PARTICIPACIÓN EN COMPETICIÓNS OFICIAIS NO ANO 2025 (Puntuaranse máximo 3 competicións)			
1ª.- COMPETICIÓN :		POSTO CONSEGUIDO:	
ÁMBITO: Internacional	Estatat	Autonómico	Outros
2ª.- COMPETICIÓN :		POSTO CONSEGUIDO:	
ÁMBITO: Internacional	Estatat	Autonómico	Outros
3ª.- COMPETICIÓN :		POSTO CONSEGUIDO:	
ÁMBITO: Internacional	Estatat	Autonómico	Outros

* Para que as competicións sexan valoradas teñen que vir certificadas pola Federación correspondente.

3.- MEMORIA DESCRIPTIVA ANO 2024

PARTICIPACIÓN EN COMPETICIÓNS OFICIAIS NO ANO 2024 (Puntuaranse máximo 3 competicións)			
1ª.- COMPETICIÓN :			
ÁMBITO: Internacional	Estatat	Autonómico	Outros
2ª.- COMPETICIÓN :			
ÁMBITO: Internacional	Estatat	Autonómico	Outros
3ª.- COMPETICIÓN :			
ÁMBITO: Internacional	Estatat	Autonómico	Outros

* Para que as competicións sexan valoradas teñen que vir certificadas pola Federación correspondente.

